

門曰此處幽寂絕其過患諸兔調順各不侵撓但我薄祐乏其所食久依大士獲聞法味要當終身藏之心腑願廣其傳以濟群有絕漿亡食已經旬日恐命不保虛捐前功兔聞是已悲哽而言今此睽違何時再遇願留一宿虔伸薄供是時兔王語群兔曰今此大仙

道力堅固是善知識最上福田汝等發勤力多積乾薪共助晨飧供爨之用乃詣仙所復作是言唯願明日必受我請仙即許之彼婆羅門佇思詳審今此兔者爲何所有或得鼴鹿或遇殘獸心生歡悅勤請如是是時兔王謂群屬曰今此大仙欲捨我去無常別離世態

敬禮爲歸依主願我來世常爲弟子發此誓已置兔於地頭面作禮而復抱持即與兔王俱投熾琰是時帝釋天眼遙觀即至其所興大供養以衆寶建窣覩波佛語諸比丘昔仙人者彌勒是也彼兔王者即我身也

## 菩薩本生鬘論卷第二

滅二

## 菩薩本生鬘論卷第三

滅三

聖勇護國尊者集

明教辯才法師充譯經三藏賜紫沙門臣紹德等奉詔譯

爾時兔王終夜不寐爲彼同類說如是法當其清旦詣積薪所以火然之其燄漸熾白言大仙我先所請欲陳微供今已具辦願強食之所以者何智者集財積而能施受者憐愍

菩薩往昔以嗔因緣墮於龍中有三種毒所謂氣毒眼毒觸毒又由別報福業力故身具

要必受用我今貧乏施乃爲難唯願仁者決定納受我欲令他獲安隱樂自捨己身無所貪惜共諸衆生證無上覺說是語已投身火中時彼仙人都見事已急於火聚匍匐救之不堅之身倏焉而殞抱之于膝悲不自勝苦哉大士奄忽若此爲濟他身而捐己命我今

衆色如七寶聚不假日月光明所照常與無量百千諸龍周匝圍繞以爲眷屬變現人身容色端正住毗陁山幽邃之處多諸林木花果茂盛清淨池沼甚可愛樂與諸龍女作衆歌舞共相娛樂止住其中經于無量百千萬歲是時有一金翅鳥王飛騰翔集從空而下

欲取諸龍以爲所食當其來時搏風鼓翼摧山碎石江河川源悉皆乾竭時彼諸龍及龍女等見是事已心大驚怖所著瓔珞嚴身之具顫掉不安悉墜于地咸作是言今此大怨眾如金剛所觸皆碎將來歟我其當奈何是時龍王初聞此說極生憂惱由宿善力復更

思惟心乃無畏然此金翅具大威力唯我一身可能禦彼謂諸龍曰汝等但當從吾之後必無所害若我不能與其朋屬作守護者何用如是大身之爲尔時龍王詣金翅所心無怯弱而白彼言幸少留神共議此事汝於我身常生怨害我於仁者都無此念以宿惡業招此大身雖具三種氣眼觸毒未嘗於他暫興損害度已之能可相抗敵亦能遠去令汝不見我今所以不委去者多有諸龍依附於我由此不欲兩相交戰是故於汝不起怨心金翅復言汝誠於我無怨心耶龍曰我雖獸身善達業報審知小惡感果尤重如影隨形不相離也我及汝身今墮惡道皆由先世造作罪因汝當憶念如來所說非以怨心能解怨結唯起慈忍可使銷除譬言如火聚投之乾薪轉增熾然無有窮已以嗔報嗔理亦如此是時金翅聞是說已怨心即息善心生焉復向龍王作如是說汝今能以慈忍之力息我

嗔恚如汲流泉滅其炎火使我心地頓得清涼龍王復言我昔與汝無量世時先於佛所曾受戒法心非清淨復不堅持爲求名聞而相憎嫉以是因緣墮於惡道我曾發露故能憶持汝由覆藏今皆忘失汝今應當憶本正念發慈忍心淨修梵行金翅復言我從今日

普施諸龍安隱無畏即離龍宮還歸本處龍王乃慰諸龍眷屬復問之曰汝見金翅生恐怖不各作是言極大怖懼龍曰世間衆生若見汝者生大恐怖亦如此也爾等諸龍愛惜身命與諸衆生等無有異當觀自身以況他身是故應起大慈之心由我修習慈心因緣

使其怨對還歸本處一切有情流轉生死所可依怙無越慈心大慈心者猶如良藥能愈衆生煩惱重病大慈心者猶如明燈能破衆生三毒黑暗大慈心者猶如船筏能渡衆生三有苦海大慈心者猶如伴侶能越生死險難惡道大慈心者如摩尼珠能滿衆生所求善願我由往昔失慈心故墮此龍中不得解脫若諸衆生建立慈門則能出生無量善法閑塞一切愚癡昏暗諸煩惱緣而不能入常人生天解脫安樂諸龍眷屬聞是說已悉除嗔恚皆起慈心是時龍王見諸同類從己所化而自慶言善哉我今所作已辦令汝已除

無量惡毒以善淨法補置其處復爲汝等建立清淨八戒齋法當奉持之間浮衆生以八戒水洗浣身心令得清淨斷除無量貪嗔癡垢於人天路而作資糧若能持是八戒齋法當知是人雖無妙服則爲已具慚愧之衣當知是人雖無垣牆則能禦捍六根怨賊當知

滅三

三

鄭

是人雖非上族則爲已住聖種姓中當知是人雖無瓔珞則具衆善莊嚴其身當知是人雖無珍寶則集人天七種法財不依橋梁超越險道受八戒者功德如此時彼諸龍各作是言我今願聞八戒名字我當頂受勸而行之龍王告曰其八戒者一不殺生二不偷盜三不邪淫四不妄語五不飲酒六者不得過日中食七者不坐高廣大牀八者不得歌舞閑寂靜之處如理作意專注奉持諸龍白言如我之徒離王少時心不寧處依王威神得免衰惱一切時中安隱而住佛法功力無處

不可何必求寂靜之所時彼龍王答諸龍曰不觀所欲則念不起慣習攀緣對境復發譬如濕地而易成泥若在空閑染心無動爾時龍王將諸朋屬至於山林幽曠之處遠離貪欲嗔恚之心常起慈忍以修其身受持齋法經于多日節食身羸加復疲困有諸惡人

至彼住處龍聞人聲尋即惺悟此惡人輩見是事已咸生驚駭而作是言此何寶聚從地漏出龍自思念若令彼人見我本狀即時怖死則壞我今修持戒法是諸人等今來至此必貪我身及斷我命時諸惡人復相謂曰我等入山經歷多載未曾見此如是形相衆彩交燦光耀人目若得此皮當貢王者必獲重賞不亦快乎即持利刀剥裂欲取爾時龍王以慈忍力不生怨恨亦亡痛惱即於是人生攝受想三毒即滅自慰其心不應憐惜怨對卒至不可得脫此諸人等今於我身貪其賞貨而行殺戮我寧自死無返害彼不令是人

現身受苦時諸惡人奮力勇銳執持利刀剝剖而去是時龍王復自思惟若人無罪爲他支解忍受不報不生怨恨當知此人是爲正士若於父母兄弟妻子能默忍受者此不足責若於怨害心不加報默忍受者此乃爲難然我今者爲利他故應當默然而忍受之我從我今者爲利他故應當默然而忍受之我從

三

四

步

無始生死已來枉棄身命不知其幾未嘗特然施於一人願未來世當與是人無量法財令滿所願是時龍王既被剝已編體出血痛苦難堪舉身顫動不能自持復有無量百千小蟲聞其身血悉來唼食龍王乃曰此小蟲等食我身者願當來世施汝法食爾時龍王

身受楚痛諸龍覩已皆生悲惱王即誓言共我當來得成佛者令我身皮頃得如故作是以慈忍力不生怨恨亦亡痛惱即於是人生薩於惡道中住慈忍力堅持淨戒爲若此也慈力王刺身血施五夜義緣起第八爾時世尊在舍衛國祇洹精舍坐夏安居時

阿難陀於日中分食畢收鉢與諸比丘共詣林間經行往來宴坐消息乃相議曰今佛世尊出興于世甚爲奇特第一希有於諸衆生多所饒益今此上首憍陳如等五大比丘最初遇佛成等正覺趣鹿野苑說四諦法先得悟解種何善本有何因緣初轉法輪便能悟

入始擊法鼓而先得聞地神漏出報虛空神已至諸天皆爲作證謂憍陳如已得了解作是念已即從座起具以上事而白世尊是時如來語阿難曰汝所問者非無因緣我於往昔憍愍彼故曾刺身血濟活其命使除飢渴令得安樂以是因緣於此生中從我聞法先

滅

三

五

得悟解尊者阿難復白佛言願以其事開示未聞令彼衆會心得泰然佛告阿難乃往古世經于無量阿僧祇劫此閻浮提有一國王其名慈力有大名稱福智深廣相貌端嚴威神罕死統領八萬四千小國后妃眷屬其數十二萬臣佐共治政事彼慈力王久遇先

佛植衆善本樂修慈行仁恕和平於諸衆生施之快樂復起悲心矜恤貧窶有苦衆生皆蒙拯拔復生喜心崇重賢者常以愛語普令忻悅復起捨心不生喜愠於内外財而無慳惜等視衆生如一子想如是修作四平等行於多劫中未嘗懈廢復以十善誘掖臣庶各各遵承嚴持清潔國土安泰靡不相慶有諸疫鬼及五夜叉常噉血氣觸惱於人由彼皆修十善之行淨身語意衆殃消殄諸天善神常爲守護設有邪魅諸惡鬼神雖懷損害而不得便時五夜叉來詣王所咸作是言我等徒屬仰人血氣得全軀命由王教導一切人民皆修十善我輩從此不得所食飢渴頓乏求活無路大王慈德救諸苦惱獨於我曹不施恩惠王聞是說極傷憫之即自思惟夜叉之徒唯飲人血作何方計滿其所求當破我身可能濟彼乃刺五處血即逆流時五夜叉各持器至取之而飲既飽且喜王乃語曰我

以身血救汝之命若充足者吾無所希淮修  
十善則爲報恩願未來出我成佛時最初說  
法先度汝等以甘露味除汝三毒諸欲飢渴  
令得清淨佛告阿難欲知往昔慈力王者豈  
異人乎我身是也五夜義者今此會中憍陳  
如等五比丘是由我宿昔本願力故今得成

佛於鹿野苑初轉法輪最先悟解得盡苦際  
成阿羅漢是時始有佛法僧寶差別名字出  
現世間時諸大衆聞佛所說皆大歡喜作禮  
而退

開示少施正因功能緣起第九

佛在舍衛國祇陀林給孤獨精舍與大比丘

戒

三

六

衆一千二百五十人俱是時國中有一商主  
與五百人欲汎巨舶入於大海採諸珍寶時  
彼商主發淨信心欲飯佛僧祈福保祐前詣  
佛所致誠勤請如來知已默然許之於其住  
處明日設食盡其甘美虔伸供養食畢數座  
佛爲說法讚布施行所感如意心田俱勝因

少果多商主聞法心開悟解作禮右旋住立  
一面尔時世尊謂商主曰欲入大海彼多險  
難必須歸依緣念三寶受持五戒作優婆塞  
可遠所願安隱而還時彼商主聞佛說法勤  
懇頂奉求受五戒佛令諦聽善思念之其五  
者何一不殺生二不偷盜三不邪欲四不妄  
語五不飲酒是名五戒汝當奉持盡其形壽  
不得毀犯名優婆塞由彼商主宿植德本聰  
惠明達能察風波善惡之候衆商勸請以作  
導師尊尚其人稱爲賢者乃擇吉日聚糧積  
薪集諸商人共入大海行將數日風濤亘起  
海神變身爲一夜其狀醜惡形色青黑口

出利牙牙端火現從波涌出挽船不行問賈  
客曰汝叵曾見世間可畏有過於我是時賢  
者覩其怪狀但唯一心緣念三寶由佛加持  
即除恐怖厲聲對曰我亦曾見更有極惡過  
汝數倍神問誰耶賢者對曰世有愚人常行  
不善造作十惡沒在邪見後墮地獄受苦萬

戒三

七

端獄卒羅刹取諸罪人種種治罰或齋或斫或擣或磨分析其身作百千分刀山劍林火車塘碨寒冰沸屎一切備受如此苦楚經千萬劫此之可畏剗甚於汝神乃默然隱身而去漸次前進復經數日海神復變作一人身極甚羸瘦皮骨相連氣息喘迫俯近於船間

商人曰汝叵曾見世間有人瘦類於我賢者對曰更有枯悴復過於汝神曰誰耶賢者對曰有愚癡人心性弊惡慳貪嫉妒不知布施後墮餓鬼頭如太山其咽如針頭髮拳亂形容憔黑長劫不聞飲食之名如是癯瘦極更過汝海神放船隱身而去漸次前進復經數日海神復變作一丈夫形容年少極甚端正漏出挽船問商人曰汝曾見有年少色力類我已不賢者對曰如汝形質乃有勝過百千萬倍神問誰耶賢者對曰世有智人奉行十善身口意業常令清淨篤信三寶隨時供養其人命終得生天上顏兒端正世無倫疋以

汝形儀方於彼者若瞎獈猴比其仙女時彼海神聞是說已默爾自愧而作是念今此商主識智博達善談報應其辯若斯以一近事試驗問彼即以右手取水一掬乃問之曰掬中水多海水多耶賢者對曰掬中水多海水爲少神復詰曰目擊可見汝今所說誠難爲

信賢者對曰斯言真實決定不謬此非世智之所了知何以明之海水雖多必有枯涸劫欲盡時大千俱壞須彌巨海磨滅無餘以此證知海水必竭若復有人以淨信心持一掬水供養於佛或施衆生或奉父母或乞丐者乃至禽畜之類此之少善正因功能經於塵劫不能窮盡是故當知海水爲少掬水爲多

時彼海神心大歡喜即以種種奇異珍寶以贈賢者寄諸珍玩施佛及僧時諸賈客各得還國咸詣佛所稽首作禮持彼海神所寄之物及己所施長跪合掌白言世尊幸蒙如來遙垂慈護入海免難獲寶還家咸荷佛恩願

爲弟子佛言善來具苾芻相盡諸有結成阿  
羅漢

菩薩本生鬘論卷第三

大衆觀佛神變咸共合掌白言世尊我等今  
者所見十方無數諸佛諦觀察已不能了知  
何者真佛何者化佛時彼如來以大悲心愍  
念衆會即語之曰諸佛如來入空寂處解脫  
三昧隨意自在真化之相召自汝心所以者  
何佛心本來湛然空寂復依解脫光明王定

菩薩本生鬘論卷第四

滅四

聖勇護國尊者集

演教悟通法師充譯經藏沙門臣慧誦等奉

詔譯

如來具智不嫉他善緣起第十

爾時世尊與諸弟子大比丘衆遊化依止王  
舍大城是時如來從座而起步躡虛空現希

徐

有事足下顯出千輻輪相一一輻間復出八  
萬四千衆寶蓮華一一華出八萬四千微妙  
鬚葉次第莊嚴徧覆十方無量世界是諸華  
上各有無量微妙數佛足下皆現千輻輪文  
是時會中淨飯父王見是事已心大歡喜五  
體投地向佛作禮即時證得阿那含果時諸

供養亦能銷滅千劫之罪設不想念或覩佛  
跡及行像者隨分供養生隨喜心所獲福報  
不可窮盡佛告阿難我自往昔曠大劫來以  
淨信心恭敬一切見彼所修殊勝妙行常生  
稱讚使令增益乃至微細一毫之福未嘗起  
心而嫉他善是故我今獲斯勝報復次阿難